

Charognard enseigne le Coran

Ɖoo bujɔɔ né simísi fěyína céwú, nge *Agúlongú*, bedéé alífáa nbulé. « *Agúlongú* sɪsɪ : ɔ́ɔ́ ɔ́ɔ́ cé ge bánýaa umú sɪsɪ : Arúúna. » Nge *Agúlongú* woobó Lááwu kíkégbeleɲ céwú, wɔɔgónɪ né, nge weedíizi simísi ríɲa páyɪ sɪsɪ : umú sɪ ɪwílɪ we céwú. Tɔɔ, bɔɔgbɔɔ bánwílɪ we né, *Káfanjílú* weegbedɪ ná kíɔ́aa, ngú kíɔ́ee ɲmature né, badánbá batílɪ wentí kíɲmatí né : wacícɪ wacícícíwú wacícícíwú bilé ge bándannú. Ɗna ge *Agúlongú* waawílɪ simísi ríɲa céwú buté né, nge *Cáráɔ́ááwu* sɪsɪ : budála umú, umú ɪwe ke, umú wánlám, nge *Agúlongú* waawílɪ ke céwú, waawílɪ kelé céwú buté mám, kabá katílɪ céwú, waawílɪ ke hálɪ kokúti katílɪ bícezí simísi suganáa. Nge sáati wenkí *Agúlongú* wánwílɪ ke céwú buté né fuwá waagba yɪ, nge *Cáráɔ́ááwu* waadɔ bíya nɔwéle níbááwu-jɔ. Acíbilí wɔɔgónɪ wéndéé né, waana *Cáráɔ́ááwu*-déé bíya ɪlɪzɪ bú kúɔm ɪɔ́ená, bíɔ́ee sáati *Cáráɔ́ááwu* ɪlé wéndéé buwá. Tɔɔ, waagábɪsɪ né, woobó ɪkpɔɔ kíɔ́ím sɪ ɪɔ́ ɪbíya né, Acíbilí wɔ́ngónɪ wéndéézɪ bú sɪle ɲní. Ɗna ge *Cáráɔ́ááwu* waadulú ɪnɔɔ-daá :

Acíbilí nɔɔɔrúv-dúv,

lurúv fěyí káále luv na ndɔɔ

Acíbilí bobatáyɪ, Acíbilí bobatáyɪ.

Acíbilí nɔɔɔrúv-dúv

Nge wɔɔgbɔɔ cewú lám :

Yakuɔv na kuɔ́a, wáákúɔv kúɔ́aɲ, wáákúɔv kúɔ́aɲ, wáákúɔv kúɔ́aɲ.

Alíya ibó ɪɔ́ee ɪséé ɪsɔɔ, Alíya ibó ɪɔ́ee ɪséé ɪsɔɔ

Wenbí biyéle hálɪ na sinje a nyáábá nyɔ́jɔɔ ge nyáánú simíka kem kedéé kóódi, a nyééwélesi kazɔɔ, céwú ge kánlám, ketengere *Agúlongú*-déé céwú waawílɪ ke né nbulé.